

ЕРЕВАНСКИЙ ГОСУДАРСТВЕННЫЙ
УНИВЕРСИТЕТ

ФАКУЛЬТЕТ АРМЯНСКОЙ

ФИЛОЛОГИИ



YEREVAN STATE
UNIVERSITY

FACULTY OF ARMENIAN
PHILOLOGY

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՀԱՅ ԲԱՆԱՍԻՐՈՒԹՅԱՆ ՖԿՈՒԼՏԵՏ

Երևան Արվյան 52^ա Республика Армения, Ереван, 0025, Абовяна 52^а 52^а Abovyan, 0025, Yerevan, Republic of Armenia
(+374 10) 54-43-91/94,95,96/1-37, armphilology@ysu.am, www.ysu.am

ԱՐՁԱՆԱԳՐՈՒԹՅՈՒՆ ԹԻՎ 6
ԵՊՀ ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ ԳԻՏԵՆՈՐՀՐԴԻ՝
2026 Թ. ՄԱՅԻՍԻ 13-ԻՆ ԿԱՅԱՑԱԾ ՆԻՍՏԻ

Օրակարգում՝

1. Մանկավարժական և մասնագիտական պրակտիկաների (առկա/հեռակա) արդյունքների ամփոփում:
2. Առկա ուսուցման 2025-26 ուստարվա բակալավրիատի ավարտական աշխատանքների նախապաշտպանությունների արդյունքների ամփոփում:
3. Ակադ. Հր. Թամրազյանի անվան հայ գրականության պատմության և գրականության տեսության ամբիոնի պրոֆեսորի թափուր պաշտոնի տեղակալման ընտրություն:
4. Ընթացիկ հարցեր:

Օրակարգի 1-ի հարցի վերաբերյալ տեղեկացվեց, որ մանկավարժական պրակտիկան վերաբերում է հայ բանասիրության ֆակուլտետի 3-րդ և 4-դ կուրսերի ուսանողներին. դպրոցներում պրակտիկան ընթացել է նորմալ հունով, ԵՊՀ ընդունված կարգին համապատասխան: Ուսանողներին կցված ղեկավարները ամենօրյա գրաֆիկով եղել են դպրոցներում, հետևել դասապրոցեսին, համապատասխան նշումներ արել պրակտիկայի գրանցամատյաններում: Պրակտիկայի ընթացքը գնահատվում է նորմալ:

Օրակարգի 2-րդ հարցի մասին նշվեց, որ բոլոր ամբիոններում պարբերաբար կազմակերպվել են ավարտական աշխատանքների կատարման ընթացքի վերաբերյալ հաշվետվություններ, ինչի շնորհիվ էլ բոլոր ամբիոններում նախապաշտպանությունները ընթացել են նորմալ: Ուսանողները պարբերաբար հանդիպել են ղեկավարների հետ, աշխատանքները ավարտել են նախատեսված գրաֆիկով, ինդրահարույց դեպքեր չկան: Ամբիոնները գոհ են կատարված աշխատանքներից, և ավարտական աշխատանքների պաշտպանությունը կկազմակերպվի՝ ըստ ժամանակացույցի և ըստ կարգի:

Օրակարգի 3-րդ հարցի առթիվ.

ԼՍԵՑԻՆ – Ակադ. Հր. Թամրազյանի անվան հայ գրականության պատմության և գրականության տեսության ամբիոնի պրոֆեսոր, Բ. Գ. Պ. Աբերտ Արշավիրի Մակարյանի՝ ամբիոնի պրոֆեսորի թափուր պաշտոնի համար հայտարարված մրցույթին մասնակցելու երաշխավորության հարցը:

ԱՐՏԱՀԱՅՏՎԵՑԻՆ. - Պրոֆ. պրոֆ. Ս. Մուրադյանը, Յու. Ավետիսյանը, Ա. Աբաջյանը, դոց. դոց. Ն. Վարդանյանը, Ա. Ջրբաշյանը, Ա. Տեր-Մինասյանը և այլք:

Նշվեց, որ Ալբերտ Մակարյանը ԵՊՀ ակադ. Հր. Թամրազյանի անվան հայ գրականության պատմության և գրականության տեսության ամբիոնում աշխատելու շուրջ 45 տարվա փորձ ունի, իսկ վերջին 5 տարիների ընթացքում եղել է նույն ամբիոնի վարիչը: Իր աշխատանքային գործունեության ողջ ընթացքում Ա. Մակարյանը ծավալել է բեղուն գիտամանկավարժական գործունեություն, մասնակցել է տեղական և միջազգային գիտաժողովների, հեղինակ է մենագրությունների, դասագրքերի համահեղինակ է, հրատարակել է հոդվածներ բարձր վարկանիշ ունեցող գիտական պարբերականներում, մասնակցել է դրամաշնորհային ծրագրերի՝ իր հետազոտական աշխատանքներով նպաստելով հայ գրականագիտական մտքի զարգացմանը: Ալ. Մակարյանը հարգված և ընդունելի գործընկեր է, սիրված պրոֆեսոր, որի հետագա գործունեությունը հատկապես նպաստելու է ամբիոնի զարգացմանը: Նշվեց, որ ամբիոնը սիրով երաշխավորում է Ա. Մակարյանին մասնակցելու պրոֆեսորի թափուր պաշտոնի համար հայտարարված մրցույթին:

Ելույթ ունեցան հայ գրականության պատմության ամբիոնի վարիչ, ք. գ. թ., դոց. Ն. Վարդանյանը, պրոֆ. Ս. Մուրադյանը, հայոց լեզվի ամբիոնի վարիչ, ք. գ. դ., պրոֆ. Յու. Ավետիսյանը, հայոց լեզվի պատմության և ընդհանուր լեզվաբանության ամբիոնի վարիչ, ք. գ. դ., պրոֆ. Ա. Աբաջյանը, մագիստրատուրայի 1-ին կուրսի ուսանող Ալվարդ Կոչկարյանը. ելույթ ունեցողները իրենց խոսքում նշեցին, որ Ալբերտ Մակարյանը բանիմաց, աշխատասեր մասնագետ է, սիրված է գործընկերների և ուսանողների կողմից և արժանի է պրոֆեսորի պաշտոնում աշխատելու:

Կազմակերպվեց փակ գաղտնի քվեարկություն, որին մասնակցեցին նիստին ներկա 27 անդամները և 23 կողմ ձայնով (4 քվեաթերթիկ ճանաչվեց անվավեր. դրանցում «կողմ» բառի մոտ նշումը սխալ էր դրված) Ալբերտ Արշավիրի Մակարյանին երաշխավորեցին աշխատելու պրոֆեսորի պաշտոնում:

ՈՐՈՇԵՑԻՆ. – Ակադ. Հր. Թամրազյանի անվան հայ գրականության պատմության և գրականության տեսության ամբիոնի պրոֆեսոր Ալբերտ Արշավիրի Մակարյանին երաշխավորել մասնակցելու պրոֆեսորի թափուր պաշտոնի համար հայտարարված մրցույթին:

Ընթացիկ հարցերում քննարկվեցին.

Ա) Ֆակուլտետի դեկան Ա. Գալստյանը տեղեկացրեց, որ տեղի է ունեցել հայ բանասիրության ֆակուլտետի ՈԻԳԸ գիտական նստաշրջանը, որի ընթացքում ուսանողները հանդես են եկել հաջողված գիտական հրապարակումներով: Դեկանը շնորհակալություն հայտնեց ֆակուլտետի դասախոսներին և ՈԻԳԸ-ին նստաշրջանը բարձր մակարդակով կազմակերպելու համար:

Բ) Դեկան Ա. Գալստյանը գիտխորհրդին տեղեկացրեց նաև, որ ֆակուլտետի 3 դասախոսներ՝ հայոց լեզվի ամբիոնից ք. գ. թ., դոցենտներ Արևիկ Քամալյանն ու Կարինե

Միքայելյանը, հայ նորագույն գրականության ամբիոնի ասիստենտ, ք. գ. թ. Մարինե Ղազարյանը, շահել են ԵՊՀ կողմից հայտարարված ճանապարհորդական գործուղումային դրամաշնորհ և մեկնելու են արտերկիր՝ միջազգային գիտաժողովների մասնակցելու համար: Գիտխորհուրդը շնորհավորեց հաղթողներին՝ մաղթելով մասնագիտական նորանոր հաջողություններ:

ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ

ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

ԳԻՏՔԱՐՏՈՒՂԱՐ՝

Ա. ԳԱԼՍՑԱՆ

Լ. ՄԵԼՔՈՆՅԱՆ